

Þjónustustefna Norðurþings

Þjónustustefna sveitarfélagsins er sett á grunni 130. gr. sveitarstjórnarlaga nr. 138/2011. Í júní 2021 var lögfest ákvæði í fyrrnefndum sveitarstjórnarlögum að frumkvæði Byggðastofnunar sem kveður á um að sveitarstjórn skuli móta stefnu sem sveitarfélagið hyggst halda uppi í byggðum og byggðarlögum fjarri stærstu byggðarkjörnum.

Greinin er svo hljóðandi:

[130. gr. a. Stefna um þjónustustig í byggðum og byggðarlögum sveitarfélags.

Samhliða fjárhagsáætlun, sbr. 62. gr., skal sveitarstjórn móta stefnu fyrir komandi ár og næstu þrjú ár á eftir um það þjónustustig sem sveitarfélagið hyggst halda uppi í byggðum og byggðarlögum fjarri stærstu byggðarkjörnum viðkomandi sveitarfélags.

Við gerð og mótnun stefnunnar skal sveitarstjórn hafa samráð við íbúa sveitarfélagsins. Málsmæðferð við afgreiðslu stefnunnar skal að öðru leyti vera skv. 3. mgr. 62. gr.]

Í greinargerð frumvarpsins segir eftirfarandi um greinina:

Hér er lagt til það nýmæli að sveitarstjórn beri að setja sér stefnu um það hvaða þjónustustigi sveitarfélagið ætlar að halda uppi í byggðum og byggðarlögum utan stærstu byggðakjarna viðkomandi sveitarfélags og upplýsa íbúa um stefnuna.

Ljóst er að með fækkun sveitarfélaga munu jafnframt myndast víðáttumikil sveitarfélög, mögulega með fáum og stórum byggðakjörnum en viðkvæmari byggð á öðrum svæðum innan sveitarfélaganna. Því er mikilvægara en áður að stefna sveitarstjórnar varðandi þjónustustig á slíkum svæðum verði skýr og komi til sérstakrar umræðu og er því lögð til sú skylda á sveitarstjórn að mynda og móta slíka stefnu eftir sérstakt samráð við íbúa sveitarfélagsins, t.d. með opnu umsagnarferli. Ekki er getið sérstaklega um þá þjónustu sem beri að greina frá í stefnunni en gert er ráð fyrir að það verði á ábyrgð sveitarstjórnar að móta heildarstefnu fyrir hverja byggð eða byggðarlag fyrir sig og gera grein fyrir ætluðu þjónustustigi vegna einstakra verkefna sem sveitarfélagið hyggst veita á viðkomandi svæðum, t.d. skólahlalds, ferða skólábíla, opnunartíma sundlauga, reksturs félagsheimila o.s.frv. Þá er almennt gert ráð fyrir að sveitarfélag myndi ávallt stefnu um öll þau byggðasvæði sem eru utan stærstu byggðakjarna. Það er hins vegar lagt í hendur sveitarfélaga að ákvarða hvort og hvernig svæði verði skipt frekar upp með tilliti til þjónustustigs, svo sem með því að flokka svæði eftir ákveðinni fjarlægð frá byggðakjarna eða mið við eldri skipan sveitarfélaga eða hreppa.

Í 2. mgr. er lagt til að sama fyrirkomulag verði við afgreiðslu á þjónustustefnu sveitarfélagsins skv. 1. mgr. og er við afgreiðslu fjárhagsáætlunar skv. 62. gr. laganna enda ljóst að slíkar áætlanir haldast í hendur.

Við gerð þjónustustefnu sveitarfélaga þarf að hafa í huga lögskyld og lögheimil verkefni samkvæmt yfirliti Stjórnarráðsins sem gefið er út með vísan til 1. mgr. 7. gr. sveitarstjórnarlaga nr. 138/2011. Verkefni eru lögskyld ef sveitarfélögum er skylt að rækja þau. Lögheimil felast í

Því að sveitarfélag hefur svigrúm til þess að ákveða hvort verkefninu er sinnt, en ef sú ákvörðun er tekin gildir um verkefnið tiltekinn lagarammi. Einnig þarf að hafa í huga verkefni sem sveitarfélög velja að setja á dagskrá til að gera sveitarfélagið eftirsóknan verðan kost sem eru þá valkvæð verkefni.

Almennt um þjónustu sveitarfélagsins

Norðurþing sveitarfélag leggur áherslu á að íbúar upplifi sveitarfélagið sem traustan og ábyrgðarfullan þjónustuaðila við mannlíf og atvinnulíf á svæðinu. Lögð er áhersla á að þjónusta sveitarfélagsins eftir því sem lög og reglur heimila verði lögð að þörfum íbúa og fyrirtækja á grundvelli jafnræðissjónarmiða. Það er sameiginlegt markmið starfsmanna og stjórnenda sveitarfélagsins að veita metnaðarfulla og framsækna þjónustu. Slíkt samstarf byggist á trausti og virðingu þar sem hver og einn ber ábyrgð á eigin viðhorfum og hugarfari. Norðurþing er þjónustuaðili sem veitir íbúum, fyrirtækjum og gestum þjónustu með einum eða öðrum hætti. Allt starfsfólk Norðurþings á að vera samstíga í að veita góða þjónustu og notendur þjónustunnar ættu að vita hvers þau geta vænst þegar þau sækja þjónustuna.

Lögð er áhersla á að þjónustan sé aðgengileg og taki mið af notenda hverju sinni. Þjónustan er sérhæfð fagkunnátta sem fléttist inn í alla starfsemi sveitarfélagsins. Alla þjónustu skal veita sem næst notandanum, þar sem viðkomandi er hverju sinni. Leitast verður við að veita þjónustuna á staðnum, í síma, tölvupóstsamskiptum eða í gegnum fjarfundi. Starfsmenn skulu sinna starfi sínu af samviskusemi og sýna kurteisi, lipurð og réttssýni og starfa fyrst og fremst í þágu íbúa sveitarfélagsins sem leggur þeim þá skyldu á herðar að setja almannahagsmuni ofar sérhagsmunum.

Skipulag stefnunnar

Stefnunni er skipt eftir málaflokkum og þar undir hvernig þeirri þjónustu er háttað í byggðum og byggðarlögum sveitarfélagsins. Í stefnu þessari er Norðurþingi er skipt í eftirfarandi svæði;

Húsavík og nágrenni	Kópasker og nágrenni	Raufarhöfn og nágrenni
Húsavík þéttbýliskjarni	Kópasker þéttbýliskjarni	Raufarhöfn þéttbýliskjarni
Reykjahverfi dreifbýli	Kelduhverfi dreifbýli	Melrakkaslétta dreifbýli
	Öxarfjörður dreifbýli	

Stefnan er sett fram þannig að fyrst er fjallað um lögskyld verkefni sveitarfélagsins og hvernig þeim er háttað á hverjum stað fyrir sig. Því næst er farið yfir með sama hætti lögheimil verkefni og loks valkvæð verkefni sem sveitarfélagið veitir þjónustu. Hafa þarf í huga að í mörgum tilfellum er þjónustunni eins háttað fyrir allt sveitarfélagið í heild.

Lögskyld verkefni

Félagsþjónusta sveitarfélagsins

Aðstoð við erlenda ríkisborgara: Fjölmenningarfulltrúi hefur viðveru í Stjórnsýsluhúsinu á Húsavík. Viðkomandi hefur bæði staðbundna viðveru eftir þörfum sem og fjarþjónustu á Kópaskeri og Raufarhöfn. Fjölmenningarfulltrúi óskar eftir aðstoð félagsþjónustu ef við á. Fjölmenningarfulltrúi hefur samstarf við skóla varðandi móttöku nýrra nemenda eftir þörfum og óskum hvers skóla í sveitarfélaginu fyrir sig.

Barnaverndarþjónusta: Starfsmenn barnaverndarþjónustu Norðurlands eru með starfsstöð í Stjórnsýsluhúsi Norðurlands á Húsavík. Þá hafa þeir bæði staðbundna viðveru eftir þörfum sem og fjarþjónustu á Kópaskeri og Raufarhöfn. Þjónustusvæði barnaverndarþjónustu Norðurlands er Norðurland, Langanesbyggð, Tjörneshreppur og Þingeyjarsveit. Verkefni barnaverndar eru meðal annars vinnsla mála skv. barnaverndarlögum nr. 80/2002, ráðgjöf í tengslum við fjölskyldur og barnavernd, umsagnir í umgengnis- og ættleiðingarmálum, úttektir á fósturfjölskyldum og stuðningsfjölskyldum, sumardvalir barna og forvarnastarf.

Félagslega ráðgjöf: Félagsráðgjafar eru með starfsstöð í Stjórnsýsluhúsinu á Húsavík.

Viðkomandi hafa bæði staðbundna viðveru eftir þörfum sem og fjarþjónustu á Kópaskeri og Raufarhöfn. Einnig geta íbúar búsettir á Kópaskeri og Raufarhöfn eða nágrenni óskað eftir að fá viðtöl og ráðgjöf í gegnum fjarþjónustu.

Fjárhagsaðstoð: Félagsráðgjafar eru með starfsstöð í Stjórnsýsluhúsinu á Húsavík. Viðkomandi hafa bæði staðbundna viðveru eftir þörfum sem og fjarþjónustu á Kópaskeri og Raufarhöfn. Einnig geta íbúar búsettir á Kópaskeri og Raufarhöfn eða nágrenni óskað eftir að fá viðtöl og ráðgjöf í gegnum fjarþjónustu.

Málefni aldraðra: Á Kópaskeri er dagdvöl aldraðra, félagsstarf, heimsendur matur og heimaþjónusta. Á Raufarhöfn er dagdvöl aldraðra, félagsstarf, heimsendur matur og heimaþjónusta. Á Húsavík er dagdvöl aldraðra, félagsstarf aldraðra, akstur aldraðra, heimsendur matur, heimaþjónusta og vinfundur fyrir heilabilaða og aðstaðendur þeirra.

Málefni fatlaðs fólks: Unnin miðlægt fyrir allt sveitarfélagið en frá Húsavík og í boð er hæfing, frístund, dagvist, búsetuúrræði, skammtímadvöl og ferliþjónusta.

Stuðningsþjónusta: Þjónusta við fatlað fólk og öryrkja, sálfræðingar, iðjuþjálfun, heimsendur matur og heimaþjónusta. Er í boði á Húsavík og eftir þörfum á Kópaskeri og Raufarhöfn.

Túlkaþjónusta: Ekki er samningur um túlkaþjónustu en tengiliðir sem hægt er að kalla til eftir þörfum, ýmist fyrir stað- eða fjarþjónustu.

Upplýsingagjöf vegna barna: Heilt yfir fyrir allt sveitarfélagið er unnið samkvæmt Barnalögum nr. 76/2003.

Vímuvarnir og aðstoð við einstaklinga með fíknivanda: Félagsráðgjafar hafa starfsstöð í Stjórnsýsluhúsinu á Húsavík. Viðkomandi hafa bæði staðbundna viðveru eftir þörfum sem og fjarþjónustu á Kópaskeri og Raufarhöfn.

Samþætting þjónustu í þágu barna: Starfsfólk félagsþjónustunnar hefur starfsstöð í Stjórnsýsluhúsinu á Húsavík en fer reglulega á Kópasker og Raufarhöfn. Eins er fjarþjónusta í boði á milli ferða. Á Húsavík er skammtímadvöl og frístund í boði. Samþætting í þjónustu barna í Norðurlandi kallast Keldan. Að Keldunni koma ýmist fagfólk auk starfsfólks Keldunnar, s.s. kennarar, heilbrigðisstarfsfólk og annað fagfólk eftir eðli hvers máls.

Húsnæðismál

Fasteignamat, skráning (t.a.m. eignaskiptayfirlýsingar) og öflun grunnupplýsinga: Skipulags- og byggingarfulltrúi annast f.h. sveitarfélagsins skráningar fasteigna í fasteignaskrá. Skipulags- og byggingarfulltrúi hefur viðveru í Stjórnsýsluhúsinu á Húsavík en fer á Kópasker og Raufarhöfn þegar þörf er á. Eins er fjarþjónusta í boði á milli ferða.

Húsnæðismál: Sveitarstjórn styðst við húsnæðisáætlun sveitarfélagsins sem er í árelgri endurskoðun. Eins hefur sveitarfélagið félagslegt leiguhúsnæði sem er til staðar á Húsavík og Raufarhöfn. Ekki er til staðar félagslegt leiguhúsnæði á Kópaskeri. Íbúar sveitarfélagsins geta sótt um félagslegt leiguhúsnæði og fer úthlutun samkvæmt reglum og viðmiðum þar um.

Húsnæðisáætlanir: Húsnæðisáætlun gildir fyrir allt sveitarfélagið og er uppfærð árlega m.t.t. breytinga og þróunar sem orðið hafa á forsendum hennar á milli ára. Unnið er eftir reglugerð 1248/2018, húsnæðisáætlanir sveitarfélaga.

Sérstakur húsnæðisstuðningur: Er í boði fyrir þá sem það þurfa og falla undir viðmið reglna sveitarfélagsins. Sótt um rafrænt á vefsíðu sveitarfélagsins og hægt að fá ráðgjöf hjá félagsráðgjöfum eftir þörfum.

Viðhald fasteigna: Eignasjóður Norðurbings sér um viðhald fasteigna sem eru í eigu sveitarfélagsins. Árlega vinnur eignasjóður að forgangslista viðhalds eigna í öllu sveitarfélaginu samhliða fjárhagsáætlun sem byggir á úttekt umsjónarmanns fasteigna og beiðnum stjórnenda hverju sinni.

Fræðslu- og menningarmál

Almenningsbókasöfn: Bókasöfn í sveitarfélaginu eru staðsett á Húsavík, Kópaskeri og Raufarhöfn.

Grunnskólar: Þrjú grunnskólar eru í sveitarfélaginu; Á Raufarhöfn, í Lundi í Öxarfirði og á Húsavík, frístundaúrræði, mötuneyti og skólaakstur er til staðar í hverjum skóla fyrir sig.

Leikskólar: Leikskólinn Grænuvellir á Húsavík og leikskóladeild í Öxarfjarðarskóla. Boðið er upp á heimgreiðslur til þeirra sem eiga börn á leikskólaaldri og lenda á biðlista.

Ráðning kennara, skólastjóra o.fl.: Öll ótímabundin störf eru auglýst og ráðning skólastjóra í höndum fræðslufulltrúa en ráðning annars starfsfólks í höndum skólastjóra.

Tónlistarskólar: Tónlistarskóli Húsavíkur, kennarar koma einu sinni í viku í Öxarfjarðarskóla og kenna nemendum þar. Þangað koma nemendur frá Grunnskóla Raufarhafnar til að fá tónlistarkennslu. Einnig er kennt í fjarkennslu.

Öryggis- og löggæslumál

Almannavarnir (að hluta): Sveitarfélagið fer eftir lögum um Almannavarnir nr. 82/2008. Sveitarstjóri Norðurbings í almannavarnanefnd í umboði lögreglustjórans á Noðrulandi eystra. Slökkviliðsstjóri er starfsmaður almannavarnarnefndar.

Brunavarnir og brunamál: Slökkvilið er á Húsavík, Kópaskeri og Raufarhöfn. Aðalstarfstöð er á Húsavík.

Sjóvarnir: Stjórn hafnasjóðs og Hafnastjóri Norðurbings tryggja sjóvarnir á öllum höfnum sveitarfélagsins samkvæmt lögum um sjóvarnir.

Umhverfis- og skipulagsmál, dýrahald o.fl.

Eftirlit með mannvirkjagerð og leyfisveitingar: Skipulags- og byggingarfulltrúi sveitarfélagsins sér um eftirlit með mannvirkjagerð og leyfisveitingum í öllum sveitarfélaginu.

Fjallskil: Fjallskildeild er í Norðurþingi og í henni eru fulltrúar frá öllum fjallskiladeildum í Norðurþingi. Sveitarstjórn tilnefnir fjallskilastjóra skv. sveitarstjórnarlögum í upphafi hvers kjörtímabils.

Framkvæmd umhverfismats: Skipulags- og byggingarfulltrúi hefur f.h. sveitarfélagsins, eftirlit með að fullnægjandi umhverfismat sé unnið í tengslum við leyfisveitingar vegna framkvæmda.

Gatnagerð: Umhverfis- og skipulagssvið ber ábyrgð á gatnagerð í öllu sveitarfélaginu og er farið eftir framkvæmdaáætlun hverju sinni.

Heilbrigðiseftirlit og mengunarvarnir: Sveitarfélagið í heild heyrir undir Heilbrigðiseftirlit Norðurlands eystra og á fulltrúa í heilbrigðiseftirlitsnefnd.

Landgræðsla: Skipulags- og framkvæmdaráð stýrir landgræðslu á landi í eigu sveitarfélagsins. Ennfremur fer ráðið með leyfisveitingar vegna landgræðslu í öðru landi innan sveitarfélagsins.

Meindýraeyðing, dýraeftirlit: Sveitarfélagið ræður meindýraeyði í vinnu við dýraeftirlit og eyðingu fyrir allt sveitarfélagið. Sveitarfélagið gerir samninga við aðila vegna minkaveiði í sveitarfélaginu.

Nafngiftir nýrra náttúrufyrirbæra: Það er á verksviði skipulags- og framkvæmdaráðs að gera tillögur að nýjum örnefnum fyrir allt sveitarfélagið. Skipulags- og byggingarfulltrúi hefur haldið utan um verkefnið sem starfsmaður. Stundum er höfð samkeppni um nafngift.

Skipulagsmál: Skipulags- og framkvæmdaráð gerir tillögur til sveitarstjórnar að nýjum deiliskipulögum og endurskoðun eldri skipulaga. Á skilgreindum hafnarsvæðum er það verkefni þó á höndum stjórnar hafnarsjóðs. Skipulags- og byggingarfulltrúi vinnur að framgangi skipulags til samræmis við ákvæði skipulagslaga.

Söfnun og meðferð úrgangs: Sveitarfélagið er með samning við fyrirtæki varðandi meðhöndlun og förgun sorps í sveitarfélaginu.

Tilkynningaskylda um fornleifar í hættu eða spjöll á friðlýstu svæði: Á verksviði skipulags- og byggingarfulltrúa fyrir allt sveitarfélagið.

Verndarsvæði í byggð: Verndarsvæði í byggð er skipulagsmál og þar með á verksviði skipulags- og byggingarfulltrúa að hafa eftirlit með að unnið sé samkvæmt skilmálum verndar.

Loflagsstefna sveitarfélaga: Ekki er til loftlagsstefna fyrir sveitarfélagið. Skipulags- og framkvæmdaráð í samvinnu við sviðsstjóra skipulags- og umhverfissviðs stefnir þó að gerð loftlags- og umhverfisstefnu fyrir allt sveitarfélagið.

Kosningar

Framlög til stjórnmalasamtaka: Á ábyrgð fjármásviðs sveitarfélagsins, greitt samkvæmt 5. gr. laga um starfsemi stjórnmalasamtaka nr. 162/2006. Stjórnmalasamtök sækja um styrkinn til sveitarfélagsins.

Alþingis-, forseta- og sveitarstjórnarkosningar: Framkvæmd kosninga í Norðurþingi fer fram samkvæmt kosningalögum nr. 112/2021. Í sveitarfélaginu er tilnefnd yfirkjörstjórn á fyrsta fundi nýrrar sveitarstjórnar og í framhaldi af því tilnefnt í undirkjörstjórnir sem eru fimm í öllu

sveitarfélaginu. Vikurnar fyrir kosningar býður sveitarfélagið í samstarfi við sýslumanninn á Norðurlandi eystra upp á utankjörfundaratkvæðagreiðslu á Kópaskeri og Raufarhöfn.

Samgöngur

Lagning og viðhald vega og stíga: Sviðsstjóri umhverfis- og skipulagssviðs í umboði skipulags- og framkvæmdaráðs sér um þessi mál í öllu sveitarfélaginu. Unnið er eftir gildandi framkvæmdaáætlun hverju sinni.

Vatns- og fráveitur

Fráveitur: Orkuveita Húsavíkur ohf. á og rekur fráveitu kerfi sveitarfélagsins innan allra þéttbýliskjarna í sveitarfélaginu sem og rotþrær innan og utan þéttbýlis.

Vatnsveitur: Orkuveita Húsavíkur ohf. á og rekur vatnveitur innan þéttbýlis í öllu sveitarfélaginu.

Íþrótt- og æskulýðsmál

Frístundaheimili: Frístundaúrræði og lengd viðvera er fyrir skólabörn á Húsavík, í Lundi og á Raufarhöfn.

Íþróttamálefni, bygging íþróttahúsa o.fl.: Fjölnota íþróttahús og sundlaugar eru á Húsavík, í Lundi og á Raufarhöfn. Tveir fótboltavellir í fullri stærð og tveir minni sparkvellir eru á Húsavík. Einn sparkvöllur er á Raufarhöfn.

Þjónusta við unglinga: Félagsmiðstöð, starf fyrir 10-16 ára og vinnuskóli í öllu sveitarfélaginu.

Æskulýðsmál: Styrktar-, samstarfs- og/eða þjónustusamningar við félög og félagasamtök á sviði æskulýðsstarf í öllu sveitarfélaginu.

Heilbrigðismál

Bygging heilsugæslu og sjúkrastofnana: Fyrirhugað er að byggja hjúkrunaheimili á Húsavík í samstarfi við sveitarfélögin í Þingeyjarsýslum og ríkið.

Ýmsar aðrar skyldur

Húsmæðraorlof: Norðurþing greiðir í húsmæðraorlofssjóð fyrir konur í Norðurþingi, samkvæmt lögum um orlof húsmæðra nr. 53/1972.

Jafnréttismál: Fjölskylduráð ber ábyrgð á jafnréttismálum í Norðurþingi og fer eftir jafnréttisáætlun sem er endurskoðuð reglulega. Einnig hefur sveitarfélagið hlotið jafnlaunavottun sem er endurskoðuð reglulega.

Kirkjur og kirkjugarðar: Sveitarfélagið sinnir skyldum við kirkjugarða og kirkjur samkvæmt lögum um kirkjugarða, greftrun og líkbrennslu nr. 36/1993 og lög um kristnisjóð nr. 35/1970.

Umsögn um rekstrarleyfi: Skipulags- og framkvæmdaráð gefur umsagnir fyrir rekstrarleyfi í Norðurþingi að beiðni Sýslumanns á Norðurlandi eystra.

Útgáfa áfengissöluleyfa: Byggðarráð gefur umsögn um áfengissöluleyfi í Norðurþingi að beiðni Sýslumanns á Norðurlandi eystra.

Stjórnsýsla sveitarfélaga

Álagning og innheimta opinberra gjalda: Sveitarstjórn setur gjaldskrár ár hvert samhliða fjárhagsáætlun hvers árs. Gjaldskrár eru birtar á vefsíðu sveitarfélagsins og þær sem við á í B-

deildum stjórnartíðinda. Fjármálastjóri ber ábyrgð á því í umboði byggðarráðs fyrir sveitarfélagið í heild að framfylgja álagningu og innheimtu. Álagning og innheimta er að mestu rafræn og hægt að fá aðstoð og upplýsingar hjá bókhaldsdeild sveitarfélagsins í gegnum síma eða komu á skrifstofuna á Húsavík. Sveitarfélagið er með samning við innheimtufyrirtæki.

Skráning og meðferð persónuupplýsinga: Stjórnsýslusvið ber ábyrgð á málaflokknum, sveitarfélagið hefur persónuverndarfulltrúa á sínum vegum og unnið er eftir lögum um persónuupplýsinga nr. 90/2018 fyrir allt sveitarfélagið.

Starfsmannamál, kjarasamningar: Sveitarfélagið er með starfs- og kjaranefnd sem fer með þessi mál fyrir allt sveitarfélagið í samstarfi við sviðsstjóra sveitarfélagsins.

Sveitarstjórnir - verkefni og skyldur: Sveitarstjórn sveitarfélagsins vinnur eftir sveitarstjórnarlögum nr. 138/2011.

Upplýsingagjöf: Sveitarfélagið vinnur eftir upplýsingalög nr. 140/2012. Vefsíða sveitarfélagsins er mikilvægur hlekkur í upplýsingagjöf sveitarfélagsins og eru allar helstu upplýsingar að finna þar. Eins er sveitarfélagið vakandi fyrir stafrænum skrefum í aukinni þjónustu við íbúa sem er til hagsbóta fyrir alla íbúa sveitarfélagsins óháð búsetu. Varðandi beiðni á grunvelli upplýsingalaga er hægt að beina öllum slíkum beiðnum til skrifstofu sveitarfélagsins á Húsavík, Kópaskeri og Raufarhöfn þar sem beiðni er tekin til meðferðar.

Útboð opinberra framkvæmda og innkaupa: Fjármálastjóri og aðrir sviðsstjórar sjá um útboð opinberra framkvæmda og innkaupa fyrir sveitarfélagið. Farið er eftir lögum um opinber innkaup nr. 120/2016 og innkaupareglum sveitarfélagsins. Í sveitarfélaginu er starfandi innkauparáð. Eins er sveitarfélagið aðili að rammasamningi.

Varðveisla skjala: Sveitarfélagið fer eftir lögum um opinber skjalasöfn nr. 77/2014. Skjalastjóri sveitarfélagsins ber ábyrgð á varðveislu skjala í Norðurþingi í samstarfi við aðra stjórnendur.

Lögheimil verkefni

Bann/takmörkun gæludýra- og húsdýrahalds: Sveitarstjórn setur samþykkt um hunda- og kattahald sem gildir fyrir sveitarfélagið allt.

Hafnir: Rekstrarstjóri hafna í umboði stjórnar Hafnasjóðs Norðurþings sér um viðhald og framkvæmdir á öllum hafnasvæðum í Norðurþingi.

Héraðsskjalasöfn: Sveitarfélagið kemur að rekstri Héraðsskjalasafni Þingeyinga í samræmi við Lög um opinber skjalasöfn nr. 77/2014.

Hitaveitur: Orkuveita Húsavíkur ohf. á og rekur dreifikerfi hitaveitu á Húsavík og Reykjahverfi. Hitaveita Öxarfjarðarhéraðs rekur hitaveitu frá Kelduhverfi að Kópaskeri.

Leiklistarmál: Sveitarfélagið styrkir leikfélög og önnur félög sem setja upp sýningar í Norðurþingi. Samningur húsnæðis er við leikfélagið á Húsavík.

Lögreglusamþykktir: Sveitarfélagið samþykkir lögreglusamþykkt sem gildir í Norðurþingi.

Náttúrustofur: Sveitarfélagið kemur að rekstri Náttúrustofu Norðausturlands sem starfar í öllu sveitarfélaginu.

Valkvæð verkefni

Pekkingarnet Þingeyinga: Sveitarfélagið kemur að rekstri Þekkingarnets Þingeyinga sem er símenntunarmiðstöð staðsett á Húsavík og á aðila í stjórn þess. Boðið er upp á aðstöðu frá Þekkingarnetinu á í skólahúsinu Kópaskeri og í skólahúsinu Raufarhöfn.

Skíðasvæði: Eitt skíðasvæði er í Norðurþingi og er það staðsett við Reyðarárhjúk.

Heilsuræktarstöðvar: Sveitarfélagið rekur heilsuræktarstöðvar í íþróttahúsum á Kópaskeri og Raufarhöfn. Sveitarfélagið kemur ekki að rekstri heilsuræktarstöðva á Húsavík.

Björgunarsveitir: Norðurþing stykir björgunarsveitir í öllu sveitarfélaginu.

Vettvangsliðahópur í slysa- og sjúkraútköllum: Slökkvilið sveitarfélagsins sinnir hluta sjúkraflutninga á Húsavík skv. samningi við HSN og slökkvilið rekur vettvangsliðahóp á Kópaskeri og Raufarhöfn skv. samningi við HSN.

Hjólástígar: Sviðsstjóri umhverfis- og skipulagssviðs sér um gerð hjólástíga í Norðurþingi. Farið er eftir framkvæmdaáætlun hverju sinni.

Græn skref: Norðurþing tekur þátt í Grænum skrefum. Byrjað er að vinna eftir Grænum skrefum í Stjórnsýsluhúsi á Húsavík, skrifstofu á Kópaskeri og skrifstofu á Raufarhöfn.

Skrifstofusetur: Skrifstofur sveitarfélagsins eru staðsettar á Húsavík, Kópaskeri og Raufarhöfn.

Tjaldsvæði: Sveitarfélagið rekur þrjú tjaldsvæði, þau eru staðsett á Húsavík, á Kópaskeri og á Raufarhöfn. Misjafnt er hvort rekstur er boðinn út eða ekki.

Ýmsir styrkir: Norðurþing veitir styrki til ýmissa verkefna.

Endurskoðun

Stefna þessi er endurskoðuð að lágmarki á hverju ári samhliða fjárhagsáætlun skv. 130 gr. sveitarstjórnarlaga nr. 138/2011. Stefna þessi er fyrir komandi ár og næstu þrjú ár þar á eftir um það þjónustustig sem sveitarfélagið hyggst halda uppi.

Samþykkt á 441. fundi byggðarráðs Norðurþings þann 14.9.2023.

Staðfest á xx. fundi sveitarstjórnar Norðurþings þann xx.xx.xxxx